

## Wüschbecker - Feierwehrlied

- 1.) Ja mir san von da Wüschbecker Feierwehr,  
wer uns net kennt, g'hert do net her,  
ja so schee, wia mir san, in unserer Gmoa,  
gibt's in ganz Deitschland koa.
- 2.) Ja mir san von da Wüschbecker Feierwehr,  
wenn's bei uns brennt, kemma mir daher,  
ja so schnoi, wia mir san, mit unserm Wogn,  
des kannsch koan Menschn sogn.
- 3.) Ja mir san von da Wüschbecker Feierwehr,  
wenn's bei uns brennt, do san ma mehr,  
ja letzt Johr do hot unser Wirtschaft brennt,  
ja Leit, do san ma g'rennt.
- 4.) Ja mir san von da Wüschbecker Feierwehr,  
mir pumpen a, a Oolgruam leer,  
ja's Stinka, des macht uns glei gor nix aus,  
schaugt dann a Brotzeit raus.
- 5.) Ja mir san von da Wüschbecker Feierwehr,  
wia ziagn denn mir, de Schleich daher,  
wia mir ziagn, des macht uns hoit koaner noch,  
denn meistens griangs a Loch.
- 6.) Ja mir san von da Wüschbecker Feierwehr,  
wenn's Freibier gibt, do sauf ma mehr,  
oa Faßl, des langt uns dann meistens nia,  
do saufa ma wia de Stier.
- 7.) Ja mir san von da Wüschbecker Feierwehr,  
wenn da Schori spuid, do sing ma scea,  
ja singa, des deama, dass grad so schoid,  
und aus da Hüttn hoid.